

پولس و سیلاس بیریه شهر میان

۱۰ ایمانداران ہو شب میان، پولس و سیلاس اوسه کودیدی کی بیشید بیریه. اوشان وختی کی اویه فارسه ییدی، به کنیسه ی یهودیان بوشوید. ۱۱ کسان کی بیریه میان زندگی کودیدی جه مردومان تسالونیکی روشن فکرتر بید، چون خوداوند عیسی کلام، اشتیاق امرأ قوبیل بوکودیدی و هر روز خودا کلام بررسی کودیدی تا به حقیقت پولس گبان پی برید. ۱۲ اطوی خیلی جه یهودیان و زناکان و مرداکان سرشناس غیریهودی ایمان باوردیدی.

۱۳ ولی وختی یهودیان تسالونیکی بفهمستیدی کی پولس بیریه شهر میان خوداوند عیسی کلام موعظه کونه، اویه بوشویدی و مردوم تحریک و بر ضد اوشان بوشورانه ییدی. ۱۴ ایمانداران هو موقع پولس اوسه کودیدی کی جه دریا راه بشه، ولی سیلاس و تیموتائوس بیریه شهر میان بیسه ییدی. ۱۵ پولس همراهان، اون تا اتن همراهی بوکودید و اویه جه پولس دستور فیگفتیدی کی سیلاس و تیموتائوس و هرچه زودتر پولس ورجه بیشید. بزین همراهان اتن ترک کودید.